

air tour
vetëm
air tour

TY 5* UAI
leri 11.99)

7 netë
27.06.12
636€

CE 5* HAI
leri 11.99)

7 netë
27.06.12
812€

TURQI
n'shpi

7 netë

KEMER 3* AI

ANYA 4* AI
leri 11.99)

IER 4* AI
leri 11.99)

LANYA 5* AI
leri 11.99)

7 netë
27.06.12

NER 5* UAI
634€

MER 4* AI
486€

FSIDE 5* UAI
606€

4 UAI
588€

ANYA 5* UAI
635€

ER 5* UAI
783€

ASIDE 5* UAI
623€

15* UAI
679€

* AI
654€

LEK 5* UAI
658€

aniede AP7-MTL-APT
RATIS

571 997
w.airtour.net



Një kontingjent prej 53 pjesëtarësh të Forcës së Sigurisë të Kosovës do të zbarkojë në Vlorë më 28 nëntor, për ta madhështuar kremten e 100-vjetorit të pavarësisë së Shqipërisë. Ata do të jenë të veshur me uniformën e re të FSK-së

FORCA E SIGURISË E KOSOVËS SYNON TË BËHET USHTRI E STANDARDIZUAR ME PAJISJE BASHKËKOHORE

“Ushtarët” i presin armët dhe uniformat e reja

Komandanti i FSK-së, Kadri Kastrati, nuk e ka mohuar se “ushtarët” e tij janë të paarmatosur, ndonëse shumë armë të kalibrit jo të rëndë gjenden në depo. “Ende nuk kemi armë për secilin pjesëtar, dhe po t’i shpërndajmë në këtë kohë, armët do të lëviznin nga një dorë në tjetrën dhe ashtu vetëm do të dëmtoheshin”, ka shpjeguar ai, duke u shprehur optimist se kjo gjendje do të përfundojë sivjet. Po këtë vit FSK-ja, sipas tij, do ta ndërrojë edhe uniformën

Agron Halitaj

PRISHTINE, 19 QERSHOR - Një kontingjent prej 53 pjesëtarësh të Forcës së Sigurisë të Kosovës do të zbarkojë në Vlorë më 28 nëntor, për ta madhështuar kremten e 100-vjetorit të Pavarësisë së Shqipërisë. Askush nuk e di se si do të duken pjesëtarët e kësaj force, por një gjë tashmë është vendosur: Ata do të jenë të veshur me uniformën e re të FSK-së. Komandanti i kësaj force, Kadri Kastrati, i ka njoftuar të martën anëtarët e Komisionit për mbikëqyrje të FSK-së se brenda javësh një komision i veçantë i FSK-së do të fillojë negociimet me kompanitë pretendente për t’i qepur uniformat e reja. Dalja e parë publike me uniforma të reja parashihet të bëhet pikërisht në Ditën e FSK-së.

“Më 27 nëntor të këtij viti, kur është edhe Dita e FSK-së, pjesëtarët e Forcës së Sigurisë do të rreshtohen me uniformën e re”, ka thënë Kastrati.

Por, krahasuar me nevojat e tjera që i ka kjo forcë sigurie, veshjet nuk shihen si preokupim kryesor për udhëheqësit e FSK-së.

Transformimi në ushtri dhe pajisja me armë paraqiten si synime kryesore të tyre.

Komandanti i FSK-së nuk e ka mohuar që “ushtarët” e tij ende nuk janë pajisur me armë, edhe pse shumë sosh, ndonëse të kalibrit jo të rëndë, gjenden në depo.

Gjeneral Kastrati ka dhënë edhe shpjegimin për këtë gjendje.

“Ende nuk kemi armë për secilin pjesëtar, dhe po t’i shpërndajmë në këtë kohë, armët do të lëviznin nga një dorë në tjetrën dhe ashtu vetëm do të dëmtoheshin”, ka shpjeguar ai. Kastrati është shprehur optimist se kjo gjendje nuk mund të zgjasë edhe shumë. “Po e presim kontingjentin e ardhshëm të armëve që të na vijë dhe atëherë secili do ta ketë armën e vet. Unë do ta përgatis urdhrin për shpërndarjen e armëve nëpër kazerma, dhe atëherë secili individ do të bëhet përgjegjës për armën e tij. Besoj se kjo do të ndodhë sivjet”, ka deklaruar Kastrati. Ai ka njoftuar se aktualisht janë duke u bërë plane që të porositen snajperë dhe mitraloza 7.62 milimetra.

Tash për tash për personelin e FSK-së, i cili numëron gjithsej 2386 ushtarakë, 2194 meshkuj e 192 femra, janë të dedikuara dy lloje të armëve të gjata dhe një lloj i armëve

të brezit: pushkë HK, 1275 copë; pushkë Colt, 550 copë dhe revole Glock 486 copë. Pavarësisht nevojave të FSK-së për armatim dhe pajisje të tjera ushtarake, gjeneral Kastrati ka zgjedhur që të mos pranojë çfarëdo që i falet nga të tjerët.

“Shumë shtete të NATO-së janë duke e lënë Kosovën dhe janë duke na ofruar mjete dhe pajisje të ndryshme ushtarake, por ne kemi miratuar një standard, dhe duhet t’u themi faleminderit, por këto nuk janë të standardit tonë. Kjo për faktin se kur kemi shumëllojshmëri të automjeteve dhe të pajisjeve krijohet një konfuzion brenda FSK-së dhe kjo do të na kushtonte shumë”, ka thënë Kastrati.

Ai e ka pranuar se automjeter ekzistuese në FSK janë të ardhura nga furnizues të ndryshëm, në periudha të ndryshme.

“Një pjesë e tyre vijnë nga periudha e TMK-së, disa të tjera kanë ardhur nga donacionet e ndryshme dhe një pjesë është blerë nga buxheti i Qeverisë së Kosovës...”, ka sqaruar Kastrati. Gjendja e pajisjeve ekzistuese, siç ka thënë ai, nuk mund të konsiderohet e mirë, për arsye se një pjesë e madhe e tyre janë të vjetra dhe të amortizuara dhe kërkojnë njëzetë të shumta për mirëmbajtje dhe riparim.

Trajnimi i detyrueshëm

Kastrati ka thënë se synim kryesor për vitin 2012 e ka zhvillimin dhe ngritjen e një force profesionale, ndërvepruese, të vetëqëndrueshme dhe të pajisur me sisteme të teknikës dhe të pajisjeve bashkëkohore. “Synim imi është që FSK-ja të bëhet një forcë e aftë për të vepruar edhe në mjedise më komplekse dhe për t’u përgjigjur sfidave dhe nevojave që dalin pas rishikimit të misionit të FSK-së”, është shprehur Kastrati.

Ai ka njoftuar mbikëqyrësit parlamentarë për trajnimet e shumta që pjesëtarët e FSK-së i kanë bërë dhe janë duke i bërë qoftë jashtë, qoftë brenda vendit. Por edhe në këtë aspekt, Kastrati ka bërë një ndërhyrje. Ka vendosur që trajnimin të mos e lërë në vullnetin e pjesëtarëve të FSK-së, por ta shndërrojë në urdher për zbatim. Ai ka thënë se ekziston edhe arsyeja që e ka shtyrë për ta marrë një vendim të tillë.

“Na ka ndodhur që dy ditë para se me u nis për trajnim, pjesëtarë të

FSK-së kanë thënë se nuk mund të shkojnë për shkaqe familjare. Tash, ai që refuzon trajnimin automatikisht përjashtohet nga FSK-ja”, ka bërë të ditur Kastrati.

Ai ka paralajmëruar se konform Ligjit për pensionim të pjesëtarëve të FSK-së, që është në fuqi, do të pensionohen 53 pjesëtarë që i kanë plotësuar kriteret për pensionim. Ndërkohë, Kastrati ka njoftuar se një trajnim disajavor do të mbahet sivjet edhe me pjesëtarët rezervë të FSK-së.

Operacionin më të madh që FSK-ja e ka kryer deri tani, ai e ka cilësuar atë në fshatin Restelice, me rastin e nxjerrjes së dhjetë viktimave nga rrënojat e shtëpive që u shkatërruan nga orteuku i borës.

Kastrati ka rekomanduar që FSK-ja të jetë prioritet i Qeverisë në planet afatmesme dhe afatgjata të saj. Sipas tij, Qeveria duhet të planifikojë buxhet shtesë apo të shikojë mundësitë për kredi afatgjate, për faktin se pajisjet moderne që pretendon t’i ketë FSK-ja në të ardhmen kanë kosto të lartë, dhe nuk mund të përballohen me buxhetin e tanishëm të kësaj force.

Buxheti i aprovuar për FSK-në për vitin 2012 është 35.801.832 euro, përdërisa në pesëmujorin e parë kjo forcë i ka shpenzuar 8.917.96 euro, apo 25 % të mjeteve.

Komandanti i FSK-së, Kadri Kastrati, ka thënë se FSK-ja nuk do të transformohet më, por vetëm do të evoluohet në ushtri të ardhshme të Kosovës.

FSK-ja pas përfundimit të “mbikëqyrjes së pavarësisë”

Të enjten, në Kuvendin e Kosovës do të shqyrtohet në parim Projektligji për përfundimin e mbikëqyrjes së pavarësisë, në kuadër të të cilit janë edhe disa amendamente që kanë të bëjnë me FSK-në.

Esenciale është se në Ligjin për FSK-në është propozuar të fshihet dhe të riformulohet paragrafi 2 i nenit 10, i cili flet për armatimin e FSK-së dhe rolin që ka përfaqësuesi civil ndërkombëtar në këtë proces. Në ligjin e ri është hequr pjesa ku thuhet se: “Çdo ndryshim në armatim do të përcaktohet nga prania ushtarake ndërkombëtare, në bashkërendim me Përfaqësuesin Ndërkombëtar Civil”, por në të nuk është specifikuar nëse ndryshimi në armatim në të

ardhmen do të përcaktohet nga Qeveria. I pandryshuar ka mbetur afati kur FSK-ja do të mund të kërkonte rishikim të kufizimeve në armatim.

Një kërkesë e tillë është paraparë të merret parasysh tek pas pesë vjetësh nga dita e hyrjes në fuqi të ligjit për FSK-në.

Ky ligj është miratuar në mars të vitit 2008, kështu që rishikimi i armatimit i bie se mund të bëhet në pranverën e vitit të ardhshëm.

“Forca e Sigurisë e Kosovës është e armatosur lehtë dhe nuk do të ketë armë të rënda, siç janë tanket, artileria e rëndë apo kapacitete sulmuese ajrore. Një rishikim i plotë i këtyre kufizimeve do të bëhet jo më herët se pesë vjet nga koha e hyrjes në fuqi e Ligjit nr.03/L-046 për Forcën e Sigurisë të Kosovës. Detyrat fillestare të Forcës së Sigurisë të Kosovës janë: [...]”, thuhet në amendamentin e propozuar për ndryshim.

Ministri i Forcës së Sigurisë, Agim Çeku, ka bërë të ditur se Qeveria e Kosovës nuk do ta presë qershorin e vitit të ardhshëm për ta rishikuar misionin e Forcës së Sigurisë.

“Me vendimin e 21 marsit të këtij viti, Qeveria ka vendosur të rishikohet jo vetëm FSK-ja, por i tërë sektori i sigurisë në Kosovë”, ka thënë Çeku. Me këtë vendim, sipas tij, janë definuar qëllimet, struktura, fazat dhe afatet kohore të këtij procesi.

Ai ka thënë se qëllimi kryesor është që të nxirret një strategji e sigurisë kombëtare, e cila do ta definonte qartë tërë arkitekturën e sigurisë vendëse.

Strategjia e sigurisë, sipas tij, do të garantonte pesë gjëra. “Ushtrimin e sovranitetit në tërë territorin e Kosovës; mbrojtjen e pavarësisë dhe integritetit territorial të Kosovës; mbrojtjen e jetës dhe pronës së të gjithë qytetarëve të Kosovës; anëtarësimin e Republikës së Kosovës në të gjitha strukturat ndërkombëtare të sigurisë, dhe e pesta, shndërrimi i Kosovës nga konsumuesi i sigurisë në kontribues të sigurisë”, ka sqaruar Çeku.

Këtë proces, siç ka thënë ai, do ta udhëheqë një komitet drejtues nga ministrat që kanë të bëjnë me çështje të sigurisë, drejtorë të agjencit të sigurisë, anëtarë të Kuvendit dhe të Presidencës. Kryesuesi i Komitetit do të jetë vetë Çeku, ish-komandant i Trupave Mbrojtëse të Kosovës.